



PODACI O PROGRAMU

Bosna i Hercegovina avgust 2021. godine

PRISTUP PITKOJ VODI I OSNOVNOJ SANITACIJI ZA PREKO 200.000 LJUDI



Program vodosnabdijevanja i odvodnje otpadnih voda Zenica – Tuzla usmjeren je na poboljšanje životnih uvjeta u Zenici i Tuzli kroz osiguravanje pouzdanog i higijenskog snabdijevanja vodom za stanovništvo u oba grada po društveno prihvatljivoj cijeni.

Osim unaprjeđenja fizičke infrastrukture, program će ojačati operativne i upravljačke kapacitete javnih komunalnih poduzeća, a u Zenici uključuje i mjere za poboljšanja sistema za odvodnju otpadnih voda.

Iako Bosna i Hercegovina raspolaže značajnim vodnim resursima, cjelokupna populacija još uvijek nema pristup pouzdanim i sigurnim uslugama vodosnabdijevanja i odvodnje otpadnih voda. Štaviše, otpadne vode se nerijetko ispuštaju u površinske vode. Odgovornost za pružanje ovih usluga imaju javna komunalna poduzeća (JKP), koja su u mnogim slučajevima slabo organizirana, suočena sa nedostatkom sredstava i pod političkim su utjecajem. Sistemi za vodosnabdijevanje i odvodnju otpadnih voda su stari i neefikasni sa visokim nivoom gubitaka vode i visokom potrošnjom energije.

DODATNIH 26.000 GRAĐANA ĆE OSJETITI KORIST OD PROGRAMA

Program će povećati učinkovitost sistema i dostupnost usluga vodosnabdijevanja i odvodnje otpadnih voda. Mjere uključuju rehabilitaciju postojećih i izgradnju novih cjevovoda, rezervoara, vodozahvata i pumpnih stanica u sistemu vodosnabdijevanja. Mjere na sistemu za odvodnju otpadnih voda u Zenici su fokusirane na obnovu postojećih i izgradnju novih cjevovoda. Pored navedenih infrastrukturnih ulaganja, program će omogućiti i razvoj kapaciteta javnih komunalnih poduzeća, odnosno razvoj ljudskih resursa, tehničkog rada i održavanja, te odnosa sa javnošću i korisnicima usluga itd.

Postignuća programa pozitivno će utjecati na životne uvjete za preko 200.000 građana u Zenici i Tuzli. Konkretno, osigurat će da se 17.000 stanovnika, novih korisnika, spoje na sisteme vodosnabdijevanja u Zenici i Tuzli. Dodatnih 9.000 stanovnika Zenice biće povezano na sistem za odvodnju otpadnih voda.

SMANJENJE GUBITAKA JE PRIORITET

Tuzla ima preko 100.000 korisnika povezanih na sistem vodosnabdijevanja. Količina vode koja ne generira prihod, naspram ukupno proizvedene količine vode, procijenjena je na 53%. Ovo je primarno zbog fizičkog curenja u infrastrukturi, te u manjoj mjeri zbog tehničkih gubitaka, neplaćene potrošnje, kao i krađe vode. Glavni prioriteti u Tuzli, identificirani od strane lokalne uprave i JKP, odnose se na smanjenje proizvedene količine vode koja ne donosi prihode, optimizaciju operativnih troškova i adekvatnu opskrbu vodom. Zenica snabdijeva vodom preko 70.000 korisnika. Količina vode koja ne generira prihod procijenjena je na 32%, što je većinom uzrokovano fizičkim gubicima. Većina cjevovoda starija je od 30 godina, što uzrokuje kvarove koji zahtijevaju skupe i dugotrajne popravke.



Što se tiče odvodnje otpadnih voda, 58% stanovništva u Tuzli i Zenici je priključeno na sistem za odvodnju.

Nakon poplava u maju 2014. godine, aktivnosti programa su proširene i na mjere za sanaciju oštećenja nastalih poplavama i klizištima kao i na mjere koje će smanjiti rizike od katastrofa u oba grada.

INVESTICIJE ŠIROKIH RAZMJERA ZA ODRŽIVU REVITALIZACIJU

Program vodosnabdijevanja i otpadnih voda Zenica–Tuzla provodi se u periodu 2011. do 2021. godine, te će utjecati na živote preko 200.000 građana i osigurava investicije od 25 miliona Eura. Švicarska vlada donira 12,5 miliona Eura za uspostavljanje pouzdanog i efikasnog sistema vodosnabdjevanja, oporavak nakon poplava i smanjenje rizika od katastrofa. Njemačka vlada učestvuje sa 1,5 miliona Eura za tehničku podršku unutar programa, te kroz Njemačku razvojnu banku daje kredit u iznosu od 11 miliona Eura.

SAŽETAK PROGRAMA

NAZIV:

Program vodosnabdijevanja i odvodnje otpadnih voda u Bosni i Hercegovini II

DOMENA:

Lokalna uprava i opštinske usluge

TEMA:

Uprava, institucije i decentralizacija

ZEMLJA/REGIJA:

Bosna i Hercegovina

PARTNERI:

Konzorcijum iC Consulente, Sachsen Wasser i Zavod za Vodoprivredu kao implementacijski konsultant Gradske uprave Zenice i Tuzle, javna komunalna poduzeća
Ministarstvo finansija i trezora BiH
Federalno ministarstvo finansija
Njemačka razvojna banka (kredit)
Njemačka vlada (donacija)

POLAZNA TAČKA / POPRATNE INFORMACIJE:

Svi građani Tuzle i Zenice nemaju pristup pitkoj vodi i osnovnim sanitarnim uvjetima. Postojeća infrastruktura vodovoda i kanalizacije zahtijeva popravke i nadogradnju kako bi se poboljšala efikasnost i smanjili fizički gubici vode. Javna komunalna poduzeća, koja upravljaju ovim sistemima, moraju poboljšati svoje operativne i upravljačke kapacitete, ali nemaju sredstava za modernizaciju i dalji razvoj.

CILJ PROGRAMA:

Cilj projekta je obnova i nadgradnja sistema za vodosnabdijevanje i odvodnju otpadnih voda u Zenici i Tuzli, kroz izgradnju novih cjevovoda, rezervoara, pumpnih postrojenja i ostale infrastrukture. Dodatno, projekat će ojačati operativne i upravljačke kapacitete javnih komunalnih poduzeća u Zenici i Tuzli.

CILJNA GRUPA

Gradovi Zenica i Tuzla
Javna komunalna poduzeća

BUDŽET:

25 miliona Eura

TRAJANJE:

2011 – 2021

DODATNE INFORMACIJE I KONTAKT PODACI

Državni sekretarijat za ekonomske poslove (SECO)

Holzikofenweg 36
CH-3003 Bern
Tel. +41 58 462 56 56
Fax +41 58 462 27 49
www.seco.admin.ch

Ambasada Švicarske u Bosni i Hercegovini

Zmaja od Bosne 11, Zgrada RBBH, objekat B
BiH-71000 Sarajevo
Tel. +387 33 27 58 50, +387 33 25 40 30
Fax +387 33 57 01 20
E-Mail: sarajevo@eda.admin.ch
www.eda.admin.ch/bosnia-and-herzegovina